



1991

> Kerwespruch <

Kerwespruch 1991

Ehr liewe Leit es ess noch koan September,
die Kardoffel, die soin aach noch net im Dämber,
Ja, woas e Glick es ess noch August,
der MOnat mit de allergreeste Lust,
wo jeder trinkt un gerne Feiert,
aach unsern Parre der hot den Monat geheiert,
wo mer Quetsche robbt un Kuche backt,
un a gern moal in rer Wertschaft versaggt,
wo die Frucht ums Ort rum werd gemeht,
un de Robert drei Doach hinnerm Zapphoahne steht.
Do hoan mer doann ess letzte Wocheend im August,
un do krieje die Worfeller zum Feiern die rischdisch Lust,
Ob Bub orrer Mädsche, ob Fraa orrer Moann,
do gibt jeder soi Bestes woas er koann,
Gesunge un gedoantz werd doann in de Wertschaft un a im Hof,
un wer dodebei net mitmacht der iss goanz schee doof.
De Adam un die Mickys speele Soamsdoags aowends im Saal,
do koann koaner mee ruhisch sitze, ob 20 ob 50, goanz egal.
Sunndoags beim Umzug zeige sich die Borsch vun ihre beste Seid,
un dess alles nur fer Eisch, ehr liewe Leit.
Der Umzug der macht jedem Spass,
denn do werd kräftisch getrunke uff de Gass.
Mondoags beim Schlabbe, dess ess als de Hit,
do singt jeder der do es lautstark mit .
Doch de Freidoag ess fer uns de beste Doag,
ach woanns net jeder glaawe moag,
Denn woann de Kerwevadder es Maul uffreibt un rift,
so das er alles oannern iwwertrifft,
do ess jeder Kerweborsch recht heiter un froh,
un kreischt: " Die Worfeller Kerb ess wirrer do".

Die Worfeller Kerb, die Worfeller Kerb.....

Woas die Leit so gedriwwe hoann im Ort,
erzähl ich jetzt moal, weil ich hoab jo es Wort.

Mit em Laafe fängt bei de Fußballer die Vorbereitung o,
die Oane vorneweg und der oane immer hinnedro.
Im erste Training do gings glei rischdisch rund,
do leeft sich so moancher die Fußballle wund.
Awwer um zu schone unser super Rasenfläche,
gehts ab in de Wald, dort wo die Micke stesche.
Es geht in die Kabin un mer zieht sich die edle Laafschlabbe o,
Rebooke, Nike un Adidas orrer so.
De Balzer kreischt noi: " Ziggt iwwer die Schuh,
ich schließ jetzt glei die Kabinedeer zu."
Draußee leeft mer los im loangoame Schritt,
um bis oan Rodelberg zu finne soin rischdische Dritt.
Es werd dorschgelaafe bis oan de See,
dort macht mer doann e kloa Paus, ei wie schee.
Die Paus iss glei erum, un die letzte Leit laafe groad oi,
do kreischt vun hinne de Harald: " Ich bin de letzte,
dess koann doch net soi."
Dess war doch noch nie so, woas ess doann do los,
wo iss doann em Lorenze Heinz soiner bloß?"
Wie doann all laafe oans Vereunsheim zurick,
hockt de Frank oan de Thek und zieht eu soi Genick.
Jeder freegt ihn, was war doann los mit Dir?
Do seegt de Frank: " Ei ich muß scheiße, un dess hot gedrickt
wies Tier.
Ich wollt doann eraus, un hobs scheiße gelosse,
doch do warn schunn alle deern oabgeschlosse.
Un so hat sich de Frank oan die Thek gesetzt, weil er ess net dumm,
hot soi Schoppe gepetzt, während die Moanschaft wetzt im Wald erum.
Lieber Frank, die Aktion die war e bissje lasch,
trotzdem speelt die Mussigg jetzt de Fußballermarsch.

Scheppe Absatz un in jedem Strump e Loch, Loch, Loch.....

Weil mer konnt die B-Klass net me sehje,
soin die Worfeller in die A-Klass uffgestehje.

Un wies sich geheert fer e Moanschaft vun Welt,
braucht mer zum Feiern e großes Zelt.
Donnerstoags oawends trifft sich der goanze Cloan,
um dess Zelt uffzubaue mit Stoange un Ploan.
Die Stoange die warn schnell zusoammegesteckt,
un die Ploane warn a schnell driwwergedeckt.
Das de Wind dess Zelt net dut fortrobbe,
muß mer jetzt noch die Näjel noiklobbe.
Bei de Fußballer gibts nur oaner der dess koann,
des ess im Mittelfeld der linke Moann.
Er meldt sich glei Freiwillisch un seegt: " Ich klobb se enoi,
weil schwerer wie Esse mache koann dess a net soi."
Er nimmt de Hoammer un fängt oa zu bumbe,
die Näjel laafe enoi wie oann Kerb die Humbe.
Als er wollt soin letzte Nagel versenke,
dun ihm die Fußballer schon Beifall schenke.
Soi Ärm wern als lang un länger,
uff oamol gibts beis Rühls ehm Uwe noch emol en Hänger,
doch alle kreische; Uwe fester, der letzte muß noch enoi,
do war se doann do die Sinnflut vum Rhoi,
dess muß die Hauptwasserleitung vum Vereunsheim gewese soi.
Doch Uwe was solls, beim Klobbe warst Du schnell,
un so hat Worfelle korzzeitisch e wunderschee Quell.
Un weil dess Wasser schoss aus vollem Rohre,
speelt die Musigg fer Dich " Am Brunnen vor dem Tore".

Am Brunnen vor dem Tore, da steht ein Lindenbaum.....

Es war spät Donnersdoags schun noach Mitternacht,
es Backhaus hat groad zugemacht,
do warn awwer e paar Kerl die soin jetzt erst gut druff,
die mache sich nochemoal zum Klinke Manfred uff.
E schee Henninger dess wär jetzt es rischdische fer uns,
do kreischt a schun oaner: " Her mer uff mit der billisch Bruns."
Noach kurzer Diskussion stand fer die paar Moann fest,
jetzt gewe mer uns beim Moanfred de Rest.

De erste macht die Deer uff un fängt laut oa zu lache,
do rifft oaner vunn hinne: "Woas soinn doann dess fer Sache."
Doann kumm doch moal roi un guck der dess emoahl oh,
do leit jo de Moanfred, wieso pennt der doann do.
De Moanfred leid uff de Thek un schläft wie e daab Dier,
kumm lost en leije, mer zappe uns selwer ess Bier.
Noach e paar Schlickscher un 10 Bier, war jedem klar,
Auf mer ruffe jetzt em Moanfred soi Fraa.
Die Karin kimmt runner un seegt: "Guckt Eisch dess oh,
Ei der Moanfred leid jo schunn wirrer do.
Mit dem Kerl dess werd jo als scheener,
jetzt troamt der schunn in de Wertstubb vunn Hunnerder un Zehner."
Die Oannern gehn voll hoam dess war jo koa Kunst,
woann kriegt mer beim Moanfred schun emoal alles umsunst.
Un Moanfred weil ess goanze Ort iwver Dich lacht,
speelt die Musigg: Guten Abend, Gute Nacht.

" Guten Abend, Gute Nacht, mit Rosen bedacht,..."

Es war am 01. Januar,
Ich waas genau noch wie dess war.
Morgens in de früh hot mer sich getroffe,
die letzte hatte noch nett all gesoffe,
um mit em Spielmoannszug noch Meenz zu fahrn,
ehr glaabt nett wie wenisch Leit dess war'n.
So moancher Herr war noch net debei,
un vun vier Schöneberger war a nur oaner in de Reih.
Die letzte hatte die Sektflasch noch oam Hals,
so fuhr mer mit em Bus in Richtung Palz.
Am Rathaus in Meenz doann oagekumme,
hot mer die Instrumente eraus genumme,
erst hot mer drei-vier Stündscher gespeelt,
un doann die erste Schoppe enoi gequält.
Ach bis zum Esse war noch e bissje Zeit,
un dess bei all dene piekfoine Leit.
Zum Abschluß noch oaner gespeelt fer Applaus,
un do denoch gings aus em Rathaus enaus.
Alle Moann in de Bus enoi,
un so fuhr mer doann hoam entlang am Rhoi.

Es hatte sich noch net alle gesetzt,
do hot mer schun wirrer gesunge un geschwetzt.
Nur die Ilka hockt alloah do, un nohch einischer Zeit,
fregt se jemand: " Ei Ilka ward er net zu zweit"?
Do seegt die Ilka: " Ei doch, jaja."
awwer selwer wußt se a net wo ehr Moansbild war.
Sie moant, der hockt bestimmt vorne des Ass,
un macht sich mit Ihr wirrer moal en Spass .
Alle Speelmoansleit gucke sich um oan Bord,
doch de Musigg ehrn Pauker der war fort.
Mer waas net wo er war, er war net meh do,
vielleicht hockt er jo noch im Rathaus un seift sich oahner oh.
De Busfahrer hats eilisch woas war der Moann entsetzt,
des ess de halwe Weg wirrer zurigg, dorsch goanz Meenz gehetzt.
Wie er doann oan die Haltestell vum Rathaus rollt,
steht de Roland do wie bestellt un net abgeholt.
Er sterzt die Deer eroi un kreischt: " Ich hat mer schun e Taxi
bestellt,
dess werd des soi, des groad hinner uns hält.
Do ess de Bus noch schneller fort wie er kumme war,
un de Evel setzt sich zu soiner oagetraute Fraa,
glaab mers Roland, de Speelmoanszug hot Dich ins Herz geschlosse,
sunst hätt er Dich nämlich oan dem Doach dort sitze gelosse.
Drum speelt die Musigg fer Dich rasch,
wie solls onnerst soi de Narhalla Marsch.
" Ritz oam Boh,.....

Bekannt is er vunn Kloa-Gere bis ins Ried,
do werd jeder Gegner rot woann er den sieht.
Als Verteidischer is es en eiseharte,
der tritt a monchmol geje em Gegner soin lange Schatte.
Un woan mer wos getrunke hat es mer jo riese groß,
so en Schuß geht a leicht emol noch hinne los.
So geschah' s bei jenem junge Moann,
der sich denkt ob isch en Hund wohl nachäffe koann?
Aus de Sunn geht er raus un lacht: " Dess werd en Spass".
Un geht bei' s Eckerts gejeiwwer uff die Gass.

Als er dort is oan Ort un Stell,
fängt er glei oh mit soim laut Gebell.
Des is vielleicht e Getösen nachts um zwölf,
doch eh de Hoffi soi tierisch Sach beende koann,
war die Polizei schun do mit em Auto un zwaa Moann.
Junger Moann des geht net so,
gehe se jetzt zurigg, sunst soim mer glei wirrer do.
Awwer de Hoffi denkt sich in soim Innern,
"Wards ner ab, Eisch geb ich noch fers wimmern".
Bissche später steht er wirrer vor dem Door,
un zeigt denne Hunde moal en Worfeller Tenor.
Des wurd' de Polizei jetzt a so bunt,
liewer Moann Du bis doch koan große Schäferhund.
So Hoffi, dess hoaste jetzt vunn doim Gebell,
jetzt muß mit in die Ausnüchterungszell.
Moinds durft er doann wirrer raus,
un do muß er feststelle oh Graus.
Woas hoann mer doann fer e Polizei,
do krieste jo moinds net emol e Frühstücksei.

Jeder waas, daß demletzt die Amateur-Rad-Meisterschafte war'n,
die Kerl die soim dorsch goanz Hesse gefahrn.
Aach in unser Gemarkung sollte se kumme,
om scheenste wärs, woann se dorsch Bittelborn deete brumme.
Un wie die Bittelberner dess honn geheert,
is mer enaus un hot die Gass sauwer gekehrt.
Zum helfe war jeder bereit,
die Stroß abzusperrn zwaa Meter breit.
Aus Diehle un Böck duut mer e paar Theke zusomme werke,
weil die Radler brauche en Stand um sich zu stärke.
Un wie mer mit dem Absperrn doann ferdisch war,
do legt mer sich uff die Lauer iss doch klar.
Un ward bis die Kerl doann fahrn dorsch unser Bittelborn,
woas wär des so schee gewese, wär dess nur woas woarn.

...

Erst soin se dorsch Gere gefahrn, doann quer in die Wallachei,
schnurstracks om scheene Bittelborn vorbei !

Umsunst war die goanz Aoweit gewese,

un so hott mer den Krempel wirrer zomme gelese.

Drum speelt die Musigg , dess is jo klar, ja mer soin mim Radel da.

" Ja mer soin mim Radel da,....."

Er liewe Leit isch heer jetzt uff,

mer mache alle zusoamme noch oan druff.

Ich hoff der Spruch war in de Reih,

vielleicht is jo de oa orrer oanner nächst Joahr debei.

Es wär schee woan es gäb noch e paar Leit,

die ess JOahr iwver hoann e bissje Zeit.

Um mit uns die Kerb weiter zu gestalte,

weil es geheern jo ach emol paar Junge zu de Alde.

Zu guter Letzt möcht ich noch Doankeschee soache,

oan all die uns geholfe hoann iwver die Kerwedoache .

Drum machts gut bis zur nächste 3-Tagesshow,

im Jahr 92 wens wieder haast: Die Worfeller Kerb es wirrer do.!

" Die Worfeller Kerb, die Worfeller Kerb,....."